

Na osnovu člana 96. Zakona o budžetima U Federaciji BiH („Službene novine Federacije Bosne i Hercegovine“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22), člana 21. stav 1. tačka b Zakona o lokalnoj samoupravi Unsko-sanskog kantona („Službeni glasnik Unsko-sanskog kantona“, broj: 8/11), Gradsko vijeće Bosanska Krupa, na prijedlog Gradonačelnika, na svojoj _____ redovnoj sjednici održanoj dana _____ godine, d o n o s i:

O D L U K U
o usvajanju Godišnjeg izvještaja o izvršenju Budžeta
Općine Bosanska Krupa za 2022. godinu

Član 1.

Usvaja se Godišnji izvještaj o izvršenju Budžeta Općine Bosanska Krupa za 2022. godinu sa:

1. Prihodi, primici i finansiranje u iznosu od 12.281.354 KM i to:

- porezni prihodi u iznosu od 5.920.074 KM
- neporezni prihodi u iznosu od 3.436.331 KM
- tekuće potpore u iznosu od 533.452 KM
- kapitalni transferi u iznosu od 1.678.616 KM
- prihodi po osnovu zaostalih obaveza 58 KM
- račun kapitalnih primitaka 238.500 KM
- neutrošena sredstva od primitaka od prodaje zemljišta i zgrade ... 193.323 KM
- neutrošena sredstva iz prethodne godine u iznosu od 281.000 KM

2. Rashodi, izdaci i finansiranje u iznosu od 11.942.240 KM i to:

- tekući izdaci u iznosu od 4.922.037 KM
- tekući transferi u iznosu od 2.027.564 KM
- kapitalni transferi u iznosu od 1.073.640 KM
- račun kapitalnih izdataka u iznosu od 3.241.209 KM
- račun finansiranja u iznosu od 471.986 KM
- izmirenje obaveza iz prethodne godine u iznosu od 205.804 KM

Član 2.

1. Po obrascu Računa prihoda i rashoda budžeta Općine Bosanska Krupa za 2022. godinu:

- ukupni prihodi u iznosu od 11.568.531 KM
- ukupni rashodi u iznosu od 8.023.241 KM
- višak prihoda nad rashodima u iznosu od 3.545.290 KM

2. Po obrascu Izvještaj o kapitalnim izdacima i finansiranju Općine Bosanska Krupa za 2022. godinu:

- izvori finansiranja u iznosu od	238.500 KM
kapitalni primici od prodaje stalnih sredstava	238.500 KM
 - kapitalni izdaci u iznosu od	 3.713.195 KM
izdaci za nabavku stalnih sredstava	3.241.209 KM
izdaci za otplate dugova	471.986 KM

3. Po obrascu Godišnji izvještaj o izvršenju budžeta (GIB) Općine Bosanska Krupa za 2022.godinu:

1. ukupni prihodi u iznosu od	11.568.531 KM
2. ukupni rashodi u iznosu od	8.023.241 KM
3. TEKUĆI SUFICIT – Višak prihoda nad rashodima (1-2)	3.545.290 KM
4. primici od prodaje stalnih sredstava	238.500 KM
5. UKUPNO VIŠAK PRIHODA I PRIMICI (3+4).....	3.783.790 KM
6. izdaci za nabavku stalnih sredstava	3.241.209 KM
7. izdaci za otplatu dugova	471.986 KM
8. UKUPAN FINANSIJSKI REZULTAT (5-6-7).....	70.595 KM

4. Po obrascu Bilans stanja, stanje sredstava, potraživanja i obaveza iskazanih u knjigovodstvu budžeta općine na dan 31.12.2022. godine iznose:

4. gotovina, kratkoročna potraživanja	6.065.676 KM
5. stalna sredstva	19.331.322 KM
6. kratkoročne obaveze i razgraničenja	5.886.938 KM
7. dugoročne obaveze i razgraničenja	747.524 KM
8. izvori stalnih sredstava	18.762.536 KM

Član 3.

Izvještaj o izvršenju Budžeta Općine Bosanska Krupa za 2022. godinu i Izvještaj o trošenju sredstava Tekuće rezerve za 2022.godinu čine sastavni dio ove odluke.

Član 4.

Ova Odluka stupa na snagu danom objavljivanja u "Službenom glasniku Grada Bosanska Krupa".

**PREDSEDavajući
GRADSKOG VIJEĆA
Alen Lipovača**

OBRAZLOŽENJE

Odluke o usvajanju Godišnjeg izvještaja o izvršenju Budžeta Općine Bosanska Krupa za 2022. Godinu

Član 96. Zakona o budžetima u Federaciji Bosne i Hercegovine («Službene novine Federacije Bosne i Hercegovine» broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22) propisuje da je vlada obavezna Parlamentu podnijeti na usvajanje izvještaj o izvršenju budžeta za prethodnu godinu u roku od šest mjeseci od završetka fiskalne godine.

Slijedom ovih zakonskih odredbi je pripremljena Odluke o usvajanju Godišnjeg izvještaja o izvršenju Budžeta Općine Bosanska Krupa za 2022. godinu.

U članu 1. Stav 1. tačka 1. Odluke je navedeno izvršenje prihoda, primitaka i finansiranja, u odnosu na Plan budžeta Općine Bosanska Krupa za 2022. godinu

U članu 1. Stav 1. tačka 2. Odluke je navedeno izvršenje rashoda, izdataka i finansiranja u odnosu na Plan budžeta Općine Bosanska Krupa za 2022. godinu

U članu 2. Stav 1. tačka 1. Odluke je navedeno izvršenje prihoda i rashoda po obrascu Računa prihoda i rashoda budžeta Općine Bosanska Krupa za 2022. godinu.

U članu 2. Stav 2. tačka 2. Odluke je navedeno izvršenje Po obrascu Izvještaj o kapitalnim izdacima i finansiranju Općine Bosanska Krupa za 2022. godinu.

U članu 2. Stav 3. tačka 3. Odluke je navedeno izvršenje Po obrascu Godišnji izvještaj o izvršenju budžeta (GIB) Općine Bosanska Krupa za 2022. godinu

U članu 2. Stav 4. tačka 4. Odluke je navedeno izvršenje po obrascu Bilans stanja gdje je navedeno stanje sredstava, potraživanja i obaveza na dan 31.12.2022. godine.

Na osnovu knjigovodstvene evidencije u Službi za finansije organa uprave Grada Bosanska Krupa, po završetku kalendarske godine je obaveza sastavljanja zakonom propisanih obrazaca i to:

1. Račun prihoda i rashoda,
2. Bilans stanja,
3. Izvještaj o kapitalnim izdacima i finansiranju,
4. Izvještaj o novčanim tokovima,
5. Posebni podaci o plaćama i broju zaposlenih
6. Godišnji izvještaj o izvršenju budžeta.

Popunjeni obrasci se dostavljaju Finansijsko – informatičkoj agenciji, do kraja februara tekuće godine za prethodnu godinu. Isti podaci se prikazuju i u tabelarnom pregledu Izvještaja o izvršenju prihoda i rashoda koji se dostavljaju Gradskom vijeću na razmatranje i usvajanje, kao sastavni dio Godišnjeg izvještaja o izvršenju budžeta.

U prilogu navedene Odluke se nalazi Izvještaj o izvršenju prihoda, primitaka i finansiranja, rashoda, izdataka i finansiranja u tabelarnom pregledu, Obrazloženje tabelarnog pregleda izvještaja te Pregled potraživanja, sredstava i obaveza na dan 31.12.2022. godine, Obrazloženje pregleda potraživanja, sredstava i obaveza.